

## **К ОПУБЛИКОВАНИЮ**

**КОМИ РЕСПУБЛИКАСА ЮРАЛЫСЬЛӨН**

**ИНДӨД**

**«Коми Республикаса Юралысьлысь Уджаланарт вынсьөдөм йылысь»**

**Коми Республикаса Юралысьлөн 2015 во сора тöлысь 14 лунся**

**82 №-а Индөдö вежсьöмъяс пыртöм йылысь**

Шуа:

1. Пыртны «Коми Республикаса Юралысьлысь Уджаланарт вынсьөдөм йылысь» Коми Республикаса Юралысьлөн 2015 во сора тöлысь 14 лунся 82 №-а Индөдö вежсьöмъяс содтöд серти.

2. Тайö Индөдыс вынсялö сійöс кырымалан лунсянь.

Коми Республикаса Юралысь

В. Уйба

Сыктывкар

2022 вося рака тöлысь 28 лун

33 №

Коми Республикаса Юралысьлөн  
2022 во рака төлысь 28 лунся 33 №-а Индод дорö  
СОДТÖД

«Коми Республикаса Юралысьлысь уджаланарт вынсьöдöм йылысь»

Коми Республикаса Юралысьлөн 2015 во сора төлысь

14 лунся 82 №-а Индöдö пыртöм

### **ВЕЖСЬÖМЪЯС**

«Коми Республикаса Юралысьлысь Уджаланарт вынсьöдöм йылысь»

Коми Республикаса Юралысьлөн 2015 во сора төлысь 14 лунся 82 №-а  
Индöдын:

Коми Республикаса Юралысьлөн Уджаланартын, мый вынсьöдöма  
Индöдөн (1 №-а содтöд), (водзö – Уджаланарт):

Инöда акт балаяс Коми Республикаса Юралысьлы видлалöм вылö  
дасьтан да пыртан пöрадокын (Уджаланарт дорö 1 содтöд):

1) 1 пунктын:

а) 3 пунктулын «мукöд субъектсаянь.» кывъяс вежны «мукöд  
субъектсаянь;» кывъясöн;

б) содтыны татшöм сюрöса 4 пунктув:

«4) öтувъя веськöдланторъяс серти федеральной оланпас балаяс  
вылö, кутшöмъясöс пыртöма Россия Федерацияса Федеральной  
Собраниеелөн Каналан Думаö да кутшöмъяс воöмаöсь отзыв вылö Коми  
Республикаса Юралысьлы, Коми Республикаса Юралысьлысь отзывъяс  
дасьтан пöрадок.»;

2) содтыны татшöм сюрöса IX юкöд:

«IX. Öтувъя веськöдланторъяс серти федеральной оланпас балаяс вылö,  
кутшöмъясöс пыртöма Россия Федерацияса Федеральной Собраниеелөн  
Каналан Думаö да кутшöмъяс воöмаöсь отзыв вылö Коми Республикаса  
Юралысьлы, Коми Республикаса Юралысьлысь отзыв дасьтан пöрадок

70. Öтувъя веськөдланторъяс серти федеральной оланпас баласö, кутшöмöс пыртöма Россия Федерацияса Федеральной Собраниеелөн Каналан Думаö да кутшöм воöма Коми Республикаса Юралысьлы отзыв сыөн сетöм могысь (водзö – федеральной оланпас бала), видлалöны, федеральной оланпас бала вылö Коми Республикаса Юралысьлысь отзывсö (водзö – Коми Республикаса Юралысьлөн отзыв) дасътöны да ыстöны «Россия Федерацияса субъектыясын публичной власът котыртан öтувъя принципъяс йылысь» Федеральной оланпаслөн 39 статья серти урчитöм кадколастö.

71. Коми Республикаса Веськөдлан котырлөн уджмогыясö пыртöм юалöмъяс серти федеральной оланпас бала серти Коми Республикаса Юралысьлысь отзыв дасътöм могысь Коми Республикаса Юралысь ыстö федеральной оланпаслысь индöм баласö Коми Республикаса Веськөдлан котырö.

Коми Республикаса Веськөдлан котыр Коми Республикаса олёмö пöртысь власът системаын колана органъяслөн тырмытöмторъяс да (либö) вöзйöмъяс подув вылын дасътö федеральной оланпаслөн лöсялана бала серти подулалём видзöдлас да сетö сйöс Коми Республикаса Юралысьлы видлалём вылö.

Федеральной оланпас бала серти Коми Республикаса Веськөдлан котырлысь видзöдлас тöд вылö босьтöмөн Коми Республикаса Юралысьлөн отзывлысь бала дасътöмсö могмөдö КИВ.

72. Коми Республикаса Юралысьлөн уджмогыясö пыртöм юалöмъяс серти федеральной оланпас бала серти Коми Республикаса Юралысьлысь отзыв дасътöм могысь Коми Республикаса Юралысь ыстö федеральной оланпаслысь индöм баласö КИВ-ö.

КИВ ыстö федеральной оланпаслысь лöсялана баласö колана органъясö да организациясö налөн компетенция серти видлалём да сы серти видзöдлас петкөдлём могысь.

КИВ органъяслөн да организацияслөн, кутшөмъясөс индөма тайö пунктлөн мөд абзацин, видзөдлас подув вылын дасьтö Коми Республикаса Юралысьлысь отзыв бала.

73. Коми Республикаса Юралысьлөн отзывлысь дасьтöм баласö КИВ сетö Администрацияөн Юрнуöдысьлы сöгласуйтöм да водзö Коми Республикаса Юралысьлы видлалöм вылö сетöм могысь.».